



Khutba Jummah

HAZRAT MUHYI-UD-DIN AL-KHALIFATULLAH

Munir Ahmad Azim

09 Septembre 2016 ~
(07 Dhul-Hijjah 1437 AH)

(Résumé Khutba)

Après ki li fine salué tous so bane disciples (et bane musulmans) dans le monde entier avec la salutation de paix dans l'islam (Assalamoualaikum Warahmatullah Wabarakaatuh), Hazrat Khalifatullah (atba) fine lire Tashahhoud et Ta'ouz ainsi ki Surah Al-Fatiha, et ensuite li fine axé so Khutba lor le sujet:

MENACE LOR L'ISLAM

L'islam pas accepter l'idée, ki très répandue parmi bane non-musulmans, d'ene frontière entre la vie intérieure de l'homme et so bane actions publiques. Sa croyance là pou capave vine ene la force certaine ki pou convaincre bane non-musulmans pou ré-découvert ene lien entre la vie de tous les jours et ene l'ordre moral. Mais kan zot pou faire sa, sa pou alle à l'encontre de zot propre sagesse occidentale actuelle et conventionnelle. Depuis ene certain temps dézà, la mention même de l'islam faire bane non-musulmans trembler. Zot penser ki le monde musulman pé fer plan pou fer ene confrontation avec bane les autres parties du monde ki pas partage so bane convictions. Sa faire, à priori, bane européens et mêmes bane américains bien tracasser. Ene analyse rapide de la situation actuelle kot l'islam li vu d'ene façon sanguinaire (ki li soif disang) par bane les autres nek renforce sa crainte là. Mais sa bane non-musulmans là zot oublier bane torts multiples, bane assassina ki fine perpétrer lor bane pauvres musulmans sans défenses ki zot fine exécutés afin pou conquérir bane la terres et bane dibiens, mais plus principalement afin pou faire l'islam disparaite de sa bane l'endroits et pays là.

Dans l'Europe, plisse ki vingt ans de cela, bane musulmans bosniaques ti, pendant longtemps sauvagement malmené par bane serbes ki théoriquement bane chrétiens. Lor la frontière entre l'Europe et l'Asie, bane Arméniens Chrétiens ti anéanti bane Azéris musulmans, et bane juifs et bane musulmans ziska azordi, pé encore touzour entre-tuer zot dans Palestine. Plus à l'est, ena la brutalité de l'armée indien dans Cachemire, et aussi en 1992, kot ti ena la destruction, de Masjid d'Ayodhya par bane hindous. Bane telles l'expériences amères faire bane musulmans penser ki le

monde contre zot. Si tel est le cas, donc, zot aussi zot contre le monde. Et c'est sa l'explication kifaire sa xénophobie, sa racisme là fine encré kot sa pousse bane terroristes dans l'Iraq et dans la Syrie ainsi ki dans bane les z'autres l'états islamiques pou touye bane étrangers kot sa-sa zot gagne sa bane là, et kot zot brandi bane versets Quran pou arrive à zot fin.

Li paraite ki à travers le temps, et avec la disparition du bloc communiste, ene nouveau zarre de « *guerre froide* » fine fer so l'apparition. Quoi-ki sa la guerre là li seulement à so tout début, mais selman nous pé dézà ressenti so bane premiers secousses. Sa la guerre de civilisations là ki pé peuplé actuellement sa la terre là, deux là-dans paraite suffizamment fort pou prétendre zouer ene rôle significatif dans le futur. Le premier c'est l'ouest, la culture euro-américain et so produit de la renaissance, de la liberté et de la réformation. Li représente aussi le progéniteur du capitalisme et de la démocratie, telle couma li compris à l'ouest. Deuxième la force là c'est l'Islam.

Ena ene bon raison kifer l'Islam représente, dans lizié d'ene majorité de bane dimounes, la seule force ki capave contrer idéologiquement la dominance de l'ouest dans sa nouveau siècle là (vingt-et-unième siècle). La raison c'est ki l'Islam li basé lor ene certitude : la certitude de la parole d'Allah, ki fine révélée, syllabe après syllabe, au Saint Prophète Muhammad (saws) dans ene coin retiré d'Arabie, 1450 ans (année lunaire) de cela et ki fine inscrit sous so l'instruction dans le Quran Shareef. Pour cimenter ainsi ene civilisation, pas ena nannié de mieux ki ene telle certitude. De plus – et sa pas ena sa ailleurs – ena bane nouvo recrue, bane nouvo adhérents vine zoine zot à sa revendication de la certitude là. Que ce soit par le fait de bane défaites répétés ki infligé à bane musulmans de l'extérieur ou par l'incompétence de nous bane propres gouvernements, sa bane 40 ou plus derniers l'années là fine témoigne d'ene montée incroyable de saki de l'extérieur bane là appelle le fondamentalisme. Nous haïr sa terme là, mais malheureusement, sa terme là li pas inexacte. Ene grande partie de sa peuple là oulé prouver au monde ki li capave faire mieux. Pour faire sa, zot bizin retrouve ene identité ki fine perdi. Et c'est sa ki faire bane européens paniqué, attention bane musulmans répran lor zot et vine de l'avant pou régagne zot vrai identité. Dans zot l'esprits sa bane européens et même américains là, zot trouve ene croissant (la lune) pé referme lor zot, lor l'Europe et l'Amérique de tous côtés.

Et à l'est nous rétrouve, en plein cœur de l'Europe, ene État musulman, Bosnie-Herzégovine. Mazine sa bane jours passés là, au début de Mars 1994, kot bane États-Unis ti pé préside à la création d'ene nouvo fédération bosniaque, pour ensuite après présider à so destruction.

Azordi zour, zot pé trouvé à travers le monde, couma bane musulmans au niveau mondial pé humilié et persécuté. Ena beaucoup ki pé être tuer tous les jours dans bane pays tels ki l'Irak, la Syrie, Palestine etc.

Aucaine gouvernement musulman pas fine gagne le courage jusqu'à ici pou dire à bane les autres nations du monde ki dans ene telle situation pareil ki l'Islam autorise le *Jihâd*. La soif du pouvoir de sa lémonde là fine fer zot tellement totalement esclaves de bane grandes puissances de sa lé monde là, ki zot fine oublié le pouvoir d'Allah. Le *Jihâd* islamique pas capave être ene initiative

individuelle, sans bane conditions préalables. Le *Jihâd*, le vrai, bizin correctement appliqué, avec tout le respect à bane innocents couma mo fine dire zot dans mo bane *Khutba* précédents. Mais malheureusement, la notion du *Jihâd* reste très mal compris dans le monde musulman. Si nous bizin servi nous de la force, nous bizin faire li dans bane limites prescrits par Allah et So prophète, Hadhrat Mouhammad (saws). Tous bane conditions reki bizin respecté.

Dans l'atmosphère de la guerre et de panique, près de cinq millions de nous bane frères et sœurs de la Syrie fine bizin quitte zot pays pour bane pays européens, tels ki la France, mais en revanche, le gouvernement Français, raciste et le fait ki li ena ene frayeur de la présence de la masse de bane musulmans ki pou rentre dans le territoire Français fine fer ene grand triyaze. Depuis 2011, impé plisse ki 10 000 Syriens fine gagne le statut de réfugié ou fine bénéficié de la protection subsidiaire dans la France. Sa c'est ene chiffre dérisoire en face de l'ampleur de la crise de la migration et de la place ki la question de bane migrants occuper dans le débat public. La Turquie fine accueille près de 2,7 millions migrants, le Liban plisse ki 1 million.

Le principe même du *Hijra* c'est d'émigrer d'ene pays kot ou pé persécuté pour ene l'autre kot ou pou libres pou amène ou combat. Alor, c'est là ki le premier et le plus important rôle et responsabilité de bane pays musulmans rentre en jeu. Zot bizin vine de l'avant et présente zot pour faire le *Jihâd* et donne refuge à bane réfugiés, nous bane frères, sœurs et zenfants musulmans ki persécuter et ki trouve zot dans l'obligation pou abandonne zot bane la cazes et pays pou alle vers d'autres l'endroits ou pays. Sa bane pays musulmans là bizin aide sa bane là et forme zot afin ki zot capave reconquérir zot pays, même par la force. Sa c'est pas mo parole sa. Mo pas pé dire tout sa couma ene Messie assoiffé de sang, mais mo pé dire sa en tant ki ene Messie et Messenger d'Allah ki applique la loi du Quran et la Sounnah. Sa bane dimounes là pé persécutés, violentés et tués et zot tous ena sa bane droits pou servi zot de la force pour protége zot propre personnes en légitime défense, ainsi ki zot pays. Pays ki fine enlevé de zot parski zot bane musulmans. Bane violences et bane atrocités ki fine commette avec bane musulmans témoigne du franchissement historique, sa témoigne d'ene nouveau palier dans le rejet de l'Islam.

Mo faire ene appel à tous bane membres de la Communauté Musulmane pour ki zot accueillir sa bane exilés là, à bras ouverts ; sans oublier bane orphelins, à ki ene l'attention particulier bizin être accordé. Nous tous bizin aussi faire de nous mieux pou pran bane zenfants ki fine vine orphelins à nous charge, seulement pour la cause d'Allah. Li urgent pou accueillir zot et offert zot l'affection et sécurité, et élever zot dans bane la caze musulmans. Au niveau de bane pays kot l'adoption li facile, bane musulmans bizin profite de la situation et agir comme bane tuteurs à zot égard. L'adoption, telle couma nous conne li azordi zour, li pas reconnue dans l'Islam. Dans l'Islam, ene zenfant adopté pas ena aucaine droit à l'héritage ; bane parents adoptifs, non plus, pas ena droit à bane privilèges de sa zenfant là ni à bane diverse avantages éventuels (telle ki la naturalisation). Dans sa contexte là, bane gouvernements musulmans zot ena ene rôle essentiel pou zouer. Zot capave agir couma bane tuteurs pour bane périodes déterminées. Servi (occupe) sa bane zenfants là, pour 10 à 15 ans, pou ene grand bénédiction d'Allah.

Mo espérer ki bane membres de la Communauté Musulmane, plus spécialement bane membres de mo Jamaat aujourd'hui et dans le futur, pou réponde positivement à sa projet là. Ki Allah faire ki bane gouvernements musulmans réagir et réponde présents à sa appel là dans la façon parfaite de l'islam. C'est l'heure du *Jihâd* islamique et tous bane pays islamiques bizin participer là-dans. Faudé pas nous gagne peur de bane infidèles. Anou faire l'islam vine nous la force et non nous faiblesse. Faudé pas nous dénigrer l'islam pour dire ki sa bane l'enseignements là zot nek bane zistoires du passé, zistoires vié dimounes. Non, non et non. Anou lever pour faire valoir vraie identité de l'islam comme meilleure façon de vivre de l'homme, et anou mazer ki l'islam pou briyé à nouvo si nous tous nous uni pour sa cause bénie là. *Insha-Allah, Ameen.*

LA FIÈVRE APHTEUSE : PANIQUE PARMIS BANE MUSULMANS

Près de 3000 bétaaye – bœufs, vaches, cabris et moutons fine abatte à Maurice et à Rodrigues suite à ene contamination de sa bane bétaaye là par la fièvre aphteuse. Ena ene panique terrible parmi bane musulmans pour le *Qurbani* ki pou ena lieu à partir Lundi 12 Septembre 2016.

Depuis ki sa contamination là ti commencer dans Rodrigues, zot ti tourne vers ene partie de bane pays l'Afrique et les autres pays pour importe bane bœufs pour *Bakr-Eid*, mais à zot l'arrivée dans nous l'île, certains d'entre zot fine contracté sa virus là et de ce fait, c'est panique totale ici à Maurice. Bane l'autorité fine permette pou sacrifier bane cabris et moutons pour *Bakr-Eid*. L'islam interdit pou sacrifier bane z'animaux malades ou ki ena le risque pou contracter ene virus et alle tombe malade.

De ce fait, bane l'autorité à Maurice fine déclaré ki zot pou donne seulement bane bétaaye ki en bonne santé pour *Eid-ul-Adha*. Ena beaucoup plisse ki 2000 demande et réservation pou bœufs pou *Qurbani* fine cancelle par sa bane dimounes parski même sa bane bœufs ki fine importer là fine mort avec sa virus là, et alor fine bizin retourne zot (bane musulmans ki ti asté sa bane bœufs là), zot l'argent – plisse ki 20 millions roupies. Tout sa ki pé traverser bizin en vérité faire bane musulmans réfléchi. Le gouvernement bizin fer bien attention avec sa virus là et ene l'autre virus astaire pou ki li pas attaque tous bane les autres z'animo couma cabri, moutons, poule etc. ki consommer par bane consommateurs à Maurice et Rodrigues. Même bane poissons dans la mer et bane légumes pas pou épargné. Attention li pou trop tard. Alor, bane zours ki pé vini zot bien critiques, surtout kan bane vaccins pas pé paraite ena bane résultats positifs lor sa bane z'animaux là en question. C'est pas seulement bane musulmans ki affecté par sa problème là mais bien toute la population de Maurice et de Rodrigues ki pas végétariens !

HAJJ 2016

Hajj commencé azordi le 09 Septembre 2016 (**Rectification:** Hajj commencé officiellement Samedi **10 Septembre 2016**) dans Makkah dans l'Arabie Saoudite. Sur ce, mo souhaite à tous bane *Hajjis* ki fine convergé vers la Maison Sacrée (*Ka'aba Shareef*) pou récolter le plaisir d'Allah dans sa bain spirituelle ki zot pé apprêter pou prend pour sa quelques jours ki précieux dans zot la vie. Ki Allah accepter zot *Hajj* et protège zot contre tous bane calamités et sauvegarde zot l'islam de tous bane destructions. *Ameen.*